

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

## **NAREDBU**

### **O HOMOLOGACIJI PUTNIČKIH AUTOMOBILA U POGLEDU KOČENJA**

#### **I PODRUČJE PRIMJENE**

##### **Član 1.**

Vozila kategorija  $M_1$  i  $N_1$  u pogledu kočenja moraju biti homologovana u skladu sa ovom naredbom.

Odredbe ove naredbe ne odnose se na:

- vozila čija konstrukciona brzina nije veća od 25 km/h;
- vozila prilagođena vozačima sa invaliditetom.

Ova naredba nudi alternativni skup zahtjeva za vozila kategorije  $N_1$  u odnosu na Naredbu o homologaciji vozila kategorija M, N i O u pogledu kočenja.

#### **II ZAHTJEVI**

##### **Član 2.**

Jednoobrazni uslovi za vozila kategorija  $M_1$  i  $N_1$  u pogledu kočenja iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju putničkih automobila u pogledu kočenja (Pravilnik broj 13H Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 13H), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa („Službeni glasnik Bosne i Hercegovine“, broj /2010).

ECE pravilnik br. 13H u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

#### **III HOMOLOGACIJA I ISPITIVANJE**

##### **Član 3.**

Homologacija vozila kategorija  $M_1$  i  $N_1$  u pogledu kočenja u smislu ove naredbe vrši se na uzorcima tipa obuhvaćenim ovom naredbom.

Homologacijska ispitivanja vozila kategorija M<sub>1</sub> i N<sub>1</sub> u pogledu kočenja u smislu ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

#### IV PROVJERA USKLAĐENOSTI

##### Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti novoproduzvenih i korišćenih vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 13H prema Odluci o najnižim tehničkim zahtjevima za novoproduzvena i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

Homologacije za vozila kategorije N<sub>1</sub> dodijeljene u skladu sa Naredbom o homologaciji vozila kategorija M, N i O u pogledu kočenja smatraće se jednakovrijednim homologacijama dodijeljenim u skladu sa ovom naredbom.

#### V PRIMJENA

##### Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Ministar

.....  
mr sc. Rudo Vidović